


678

AWIG - AWIG
DESA ADAT UMAKUTA



DESA PEJENG KANGIN
KECAMATAN TAMPAKSIRING
KABUPATEN DAERAH TINGKAT II
GIANYAR

MURDHA CITTA

AUM, OM,

OM Suastiastu, OM Awighnamastu Nama Sidham.
Putusing pasaban Krama Desa Adat Umakuta, gumawe Awig-Awig Desa pakraman, maka sepat siku-siku pamatut, wastu kasida prayojanan mami kabeh prasama angidep muah amagehaken linging Awig-Awig iki

SARGA I

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Umakuta.
- (2) Jebar kakuwub wawidangannya mawates nyatur :
 - a. Sisih Wetan, Desa Adat Petak Jeruk;
 - b. Sisih Kulon, Desa Adat Umadawa;
 - c. Sisih Lor, Desa Adat Tri Eka Cipta;
 - d. Sisih Kidul, Desa Adat Sawagunung.
- (3) Desa Adat puniki kawangun antuk 51 karang ayahan Desa, dados abanjar.

SARGA II

PATITIS LAN PAMIKUKUH

Pawos 2

Desa Adat Umakuta ngamanggehang pamikukuh minakadi :

- a. Pancasila;
- b. Undang-Undang Dasar 1945, pamakas pasal 18;
- c. Perda Propinsi Dati I Bali Nomor 06 tahun 1986;
- d. Tri Hita Karana manut sada cara Agama Hindu.

Pawos 3

Luir patitis Desa Adat Umakuta :

- a. Mikukuhin miwah ngarajegang Sang Hyang Agama;
- b. Nginggilang tata prawertining wagama;
- c. Ngurajegang kasukertan Desa saha pawongannya sakala lawan niskala.

P I D A G I N G
MAKA BANTANG AWIG-AWIG DESA ADAT

UMAKUTA

MURDHA - CITTA

		Widangan
SARGA	I ARAN LAN WAWIDANGAN DESA	1
SARGA	II PATITIS LAN PAMIKUKUH	1
SARGA	III SUKERTA TATA PAKRAMAN	
	Palet 1 Indik Krama	2
	Palet 2 Prajuru Desa	4
	Palet 3 Indik Kulkul	5
	Palet 4 Indik Paruman	6
	Palet 5 Indik Druwen Desa	7
	Palet 6 Sukerta Pamitegep	8
	Kaping 1 Karang, Tegel Lan Carik	8
	Kaping 2 Papayonan	9
	Kaping 3 Wawangunan	9
	Kaping 4 Wawalungan	9
	Kaping 5 Bhaya	10
	Kaping 6 Panyanggran Banjar	11
SARGA	IV SUKERTA TATA AGAMA	
	Palet 1 Indik Dewa Yadnya	11
	Palet 2 Indik Rsi Yadnya	14
	Palet 3 Indik Pitra Yadnya	15
	Palet 4 Indik Manusa Yadnya	19
	Palet 5 Indik Bhuta Yadnya	20
SARGA	V SUKERTA TATA PAWONGAN	
	Palet 1 Indik Pawiwahan	21
	Palet 2 Indik Nyapian	23
	Palet 3 Indik Santona	24
	Palet 4 Indik Warisan	25
SARGA	VI WICARA LAN PAMIDANDA	
	Palet 1 Indik Wicara	27
	Palet 2 Indik Pamidanda	28
SARGA	VII NGUAH-NGUHHIN AWIG-AWIG	
SARGA	VIII PAMUPUT	

SARGA III
SUKERTA TATA PAKRAMAN

Palet 1
Indik Krama
Pawos 4

- (1) Sane kabawos Krama Desa inggih punika kulawarga sane magagama Hindu saha ngamong karang Desa miwah karang guna kaya.
- (2) Sajaba punika sinanggeh tamu.

Pawos 5
Krama Desa wenten 4 (petang) pawos, luire :
a. Krama ayah ngarep, kulawarga sane ngamong karang Desa miwah karang gunakaya;
b. Krama pangele, Krama sane tan pakarang tur sampun mawiwaha;
c. Krama tapukan, kulawarga manut aksara (a) sakewanten dereng antes ngayah;
d. Krama balu, inggih punika kulawarga tininggal seda silih tunggil lanang utawi wadon.

Pawos 6
Ngawit dados Krama Desa :
a. Sangkaning ngamong karang Desa miwah karang gunakaya;
b. Sangkaning pawiwahan.

Pawos 7
Panamayan makrama Desa :
a. Nyabran Tileming Kasanga saha majalaran upasaksi pawidi widana, tur sampun adung ring Krama Desa pangamong;
b. Sangkaning pawiwahan arinnyanne, jantos Tileming Kasanga sane kawastanin pangele.

Pawos 8
Sahanan Krama Desa keni tategenan (ayah-ayah), luire :
a. Krama ayah ngarep, urunan miwah ayahan saungkul;
b. Krama ayah pangele, urunan apahruwa ayahan marep;
c. Ayah tapukan, urunan saungkul ayahan kagentosin antuk arta brana sapangarga, manut wasa;
d. Krama balu, ayah-ayahan saparo urunan saungkul;
e. Ritatkala ngawentenang paruman wewang ngangge busana madia;
f. Prade rikalaning ngayah wenten silih tunggil krama mati-lar tan pajanaga sadereng puput karya, krama inucap kawastanin tanjek laler, keni pawidanda manut pararem.

g. Prade wenten krama kasep patedunan sane kacihnayang antuk janggi, kawastanin sep janggi.

Mungging ageng alit pamidandannyanne sakadi ring sor :

1. Kasep 2 janggi, pamidanda apahrua saking dosa;
2. Jantos cacakan sinanggeh dosa.

Pawos 9

Mapuangkid utawi tan tedun :

a. Krama Desa kadadosang mapuangkid :

1. Puangkid sungkan dereng kenak patut kagentosin antuk kulawarga kapatutanipun;
2. Mamakuh, ngerebin, nandur, ngurit, nandur jagung, kapan-de, kaluasan lan sakancan punika kengin wantah apisan;
3. Mayadnya, manut agung alit-alit yadnya sane kalaksanayang;
4. Matapetin, yaning sang sungkan jantos karerehang pitulung kasamping;
5. Sebel wiadin kumel manut wawilangan.

b. Nyada mapiteges ngamademang ayah, risampun mayusa 70 warsa, yan sampun nyada tan kengin nyuksukin ayah;

c. Sane kawenang nyuksukin risampun munggah dahi ayah istri, taruni ayah lanang tur mrasidayang nganutin krama;

d. Nutug ayah utawi ngentos ayah antuk barang saantukan kapialang utawi kaluwasan salami 3 jantos 7 rahina, manut pae-tangan Desa, manawi kajudi antuk sang mawangrat.

Pawos 10

Wusan dados Krama Desa, luire :

a. Sangkaning :

1. Pinunas ngaraga, manawi kesah kadura Desa utawi ngalang-kungin sagara, tur kapastikayang wenten sane ngayahang;
2. Kanoroyang duaning sampun tan prasida ngesehin solah prawerti satata nguwig kecaping Awig-Awig;
3. Sadereng kanoroyang Bendesa Adat saha Prajuru sewosan ngutsahayang mawosin jantos ping tiga.

b. Sang wusan makrama patut :

1. Ngaturang karang ayahan ka Desa;
2. Tan polih pah-pahan padruwen Desa yang sangkaning kanoroyang;
3. Yan sangkaning patut, manut tatuwek kalih wawilangan, polih pah-pahan druwen Desa manut pararem.

Palet 2
Prajuru Desa
Pawos 11

- (1) Desa Adat Umakuta kaenter antuk Bendesa Adat.
- (2) Banjar kaenter antuk Kelihan Banjar.
- (3) Bendesa lan Kelihan Banjar, patut :
 - a. Mawiwit saking Krama Desa ngarep miwah Krama Desa pangele;
 - b. Kaadegang malarapan antuk kacatri olih paruman Desa, nyabran 5 (limang) warsa, sajawaning wenten pariindik tios tur kacatri malih;
 - c. Madulurin antuk Desa saksi pawidi widana ring Pura Bale Agung miwah ring Kahyangan-kahyangan Desa lianan.

Pawos 12

- (1) Bendesa Adat kasanggra antuk :
 - a. Patajuh pinaka panyade;
 - b. Panyarikan Desa pinaka juru surat;
 - c. Juru raksa pinaka pangemong duwen Desa;
 - d. Kasinoman pinaka juru arah.
- (2) Kasinoman akehnia kalih diri saha magilir nyabran sasih.
- (3) Sajeroning ngenterang kasukertan niskala Bendesa mingsing-gihang Pamangku Kahyangan Desa.

Pawos 13

- (1) Suadarmaning Bendesa Adat, luire :
 - a. Ngenterang sadaging Awig-Awig miwah pararem Desa;
 - b. Ngenterang krama rawuhing warga Desa ngupadi manut patitis;
 - c. Mawosing kalih niwakang pamutus arep ring wicara warga Desa;
 - d. Maka duta Desa matemuang bawos ring sapa sira ugi.
- (2) Praje Prajuru-prajuru iwang pangalaksana keni pamidanda nikel saking krama tur kararianang manut pararem.

Pawos 14

- Patias utawi olih-olihan Prajuru Desa, luire :
- a. Luput wawedalan rarampen (papeson);
 - b. Serodan ratu tukang;
 - c. Upon palaba carikpahruwa saking ngaryaning;
 - d. Serodan bale kulkul;
 - e. Patias sewosan manut pararem.

Pawos 15

- (1) Prajuru Desa kagentosin riantukan :

- a. Seda;
 - b. Kadadak katibenin gering ila miwah sakancanipun;
 - c. Kanoroyang duaning iwang pamargi utawi nilar sasana;
 - d. Wit saking pakayun rahayu utawi pinunas ngaraga.
- (2) Nganoroyang utawi ngentosin Prajuru Desa patut sajeroning paruman Desa saha kaingkupin antuk Krama Desa.

Palet 3
Indik Kulkul
Pawos 16

- (1) Kawentenang kulkul ring Desa Adat Umakuta :
- a. Kulkul Desa;
 - b. Kulkul Subak;
 - c. Kulkul sekaa-sekaa :
 - Sekaa Gong - Sekaa Kalentangan utawi Angklung
 - Sekaa Baris - Sekaa Tupeng
 - Sekaa Rejang - Sekaa Barong.
- (2) Tabuh tatepakan kulkul Desa :
- a. Kalih tulus lambat tengeran tedun ngayah utawi pasangkepan;
 - b. Kalih tulus bulus tengeran baya;
 - c. Atulud bulus tengeran kabasmian (kagni baya);
 - d. Atulud banban ring Banjar tengeran benjangne jagi makarya;
 - e. Tigang klentungan nyantel kalayu sekaran;
 - f. Petang klentungan lambat pamedalan utawi pamijilan anak alit;
 - g. Limang klentungan tengeren pawiwahan;
 - h. Tigang klentungan nglanturan ngwangdiang makarya.

Pawos 17

- (1) Kulkul Desa utawi Banjar tan wenang katepak yaning tan sangkaning pituduh prajuru Desa, sajawaning tatengeran pancabaya muah sakancannyanne.
- (2) Sang nepak tan sangkaning pituduh, digelis atur supeksa maka buatan panepake, yan tan sampunika sang ngamurug kadanda manut pararem.
- (3) Kulkul sekaa-sekaa samaliha kulkul pondokan tan kalugra nyawerin (matehin) sukat utawi tengeran kulkul Desa prade mamurug taler kadanda manut pararem.

Palet 4

Indik Paruman

Pawos 18

- (1) Sangkepan ring Desa Adat Umakuta wenten makudang-kudang sangkepan :
 - a. Sangkepan Desa;
 - b. Sangkepan Banjar;
 - c. Sangkepan sekaa-sekaa.
- (2) Paruman kawentenang sakadi ring sor :
 - a. Paruman Desa asasih apisan;
 - b. Paruman Banjar asasih apisan;
 - c. Paruman Prajuru utawi Prajuru Desa manut wiguna;
 - d. Sangkepan sekaa-sekaa asasih apisan.
- (3) Sangkepan miwah paruman dudonania, sakadi ring sor :
 - a. Paruman padgata kala maka jalaran arah-arah manut tatu-jon;
 - b. Maka cihna patedunan katengerin antuk suaran kulkul saha Krama mabusana tegap (madia) miwah tan kalugra makta gagawan sakaluire;
 - c. Tan maren ngarcana ring Ida Bhawan Panyarikan maka sarana cane muang pajati tegap;
 - d. Maka sarana janggi pangawit kalaksanayang panyacak sep-sepan saha riwuwus anyacak dadosan agung alit manut pararem;
 - e. Tan kalugra ngawetuang suara gora utawi biota, yan wenten sampunika keni pamidanda bia pacamil pariyascita Desa kadi dandaning nguman-umen ring sabha;
 - f. Pamutus babawos briuk sapanggul utawi gilik saguluk punika kasanggehang.
- (4) Prade pidaging paruman tan kalangkupin mangda Prajuru Desa ngilikang babawos sajeroning sangker tigang rahina, saha putusannya mangda kararemin antuk Krama Desa, bilih tan prasida kasungkemin jantos ping tiga, Prajuru Desa wenang nunas bawos ring sang ngawa wenang.

Pawos 19

- (1) Sajeroning sangkepan utawi paruman Desa, Bendesa patut nyobi-ahang pamargi ngenterang Desa, pamakas nganinin indik :
 - a. Munjuk lungsur utawi kirang langkung pakraman saha ayah-ayah, sulur arta brana, druwén Desa;
 - b. Rencana Prajuru nganinin usaha Desa kapungkur.

- (2) Pamitus paruman Desa sinanggoh pararem maka pamitegep Awig-Awig.

Pawos 20

- (1) Pasangkapan utawi paruman Prajuru Desa kawenang wantal ngarincikang pangrencana usaha Desa kapungkur.
(2) Sangkepam Prajuru Desa ten kawenang nganedalang tatengenan ring Krama sadereng kalangkupin antuk Krama Desa.
(3) Pamitus sangkepam Prajuru Desa ngawetuang pasuara, maka pi-daging pitutuh sang ngawa wenang utawi ngalimbakang pecak pararem Krama Desa.

Palet 5

Indik Druwen Desa

Pawos 21

Padruwen Desa Adat Umakuta sakadi ring sor :

a. Kahyangan Desa, luire :

1. Pura Kahyangan Tiga;
2. Pura Panataran Pangsut;
3. Pura Pucak Sari;
4. Pura Catur Bhuana;
5. Pura Prajapati;
6. Pura Masceti.

b. Bale Desa utawi Wastilan.

c. Karang ayahan Desa, munjuk langsung sakeng 51 karang ring ajeng.

d. Setra.

e. Palcha Pura purik.

f. Jalaguan, sakadi tatabuan lan ilen-ilen, luire :

1. Gong, Angklung;
2. Ilen-ilen wali, sakadi : Rejang Pandet, Baris Tambak, Rejang Pandet, alon Papang.

Pawos 22

Pilih-pilihan Desa Adat Umakuta, luire :

a. Pilih-pilihan maling palcha Pura;

b. Bhuana Krama Desa Adat;

c. Palcha maling Pura Wicaka;

d. Pilih-pilihan maling Wicaka Desa;

e. Palcha-palcha sate Wicaka, sate palcha.

Pawos 23

- (1) Prajuru Desa wewang ngawetuang sangkepam palcha Pura lan wewang sangkepam wewang Desa.

- (2) Pikolih lan pamuponnya kaanggen prabia piodalan saha wawa-
ngunan ring Pura.
- (3) Nyabran pasangkepan Desa, Prajuru pangamong druwen Desa
ngawentenang parindikan munjuk lungsuring padruwen ring
Krama Desa.
- (4) Sakaluiring druwen Desa patut wenten ilikitannya.
- (5) Tan kalugra ngadol utawi ngesahang padruwen Desa yan tan
kasungkemin antuk Krama Desa.

Palet 6

Sukerta Pamitegep

Kaping 1

Karang, Tegal Lan Carik

Pawos 24

- (1) Krama Desa pangamong Karang Desa patut ngawatesin karang
utawi karang gunakaya inucap pagehan antuk tembok utawi
turus mangda pakantenania asri.
- (2) Wates sisi kaler miwah kangin patut kakaryanin antuk sang
ngamong karang ayahan inucap, sane mawasta gagaleng kaluan,
sajawaning tanah pacatu, tegal, carik utawi padruwen nga-
raga, sane kapiara watese sisi kelod miwah kauh, reh puni-
ka mawasta gagaleng kateben.
- (3) Prade karasayang pagehan lan turus inucap ngalikadin, yan
pada arsa panyandinge, kengin watese nganggen pinget kewan-
ten kasaksi antuk Prajuru Desa utawi pracihna pal saking
ngawawenang.
- (4) Prade wenten karang kabebeng mangda kautsahayang
wenten pamarginnya.

Pawos 25

- (1) Sinalih tungguil Krama Desa lan Banjar tan kalugra :
 - a. Ngalah-alah margi, tegal druwen Desa, karang Desa;
 - b. Ngalah-alah tanah, tegal Kahyangan, setra, lan sakan-
can genah sinanggeh suci.
- (2) Prade wenten sakadi ring ajeng, sang ngalalah wenang nga-
waliang tanah inucap saha keni pamidanda sapatutnia, ka-
dulurin upakara ring pangalah-alah tanah suci manut para-
rem.

- (2) Pikolih lan pamuponnya kaanggen prabla piodalan saha wawa-
ngunan ring Pura.
- (3) Nyabran pasangkepan Desa, Prajuru pangamong druwen Desa
ngawentenang parindikan munjuk lungsuring padruwen ring
Krama Desa.
- (4) Sakaluring druwen Desa patut wenten ilikitannya.
- (5) Tan kalugra ngadol utawi ngesahang padruwen Desa yan tan
kasungkemin antuk Krama Desa.

Palet 6

Sukerta Pamitegep

Kaping 1

Karang, Tegal Lan Carik

Pawos 24

- (1) Krama Desa pangamong Karang Desa patut ngawatesin karang
utawi karang gunakaya inucap pagehan antuk tembok utawi
turus mangda pakantenania asri.
- (2) Wates sisi kaler miwah kangin patut kakaryanin antuk sang
ngamong karang ayahan inucap, sane mawasta gagaleng kaluan,
sajawaning tanah pacatu, tegal, carik utawi padruwen nga-
raga, sane kapiara watene sisi kelod miwah kauh, reh puni-
ka mawasta gagaleng kateben.
- (3) Prade karasayang pagehan lan turus inucap ngalikadin, yan
pada area panyandinge, kengin watene nganggen piaget kewan-
ten kasakai antuk Prajuru Desa utawi pracihna pal saking
ngawawenang.
- (4) Prade wenten karang kabebeng mangda kautsahayang
wenten pamarginnya.

Pawos 25

- (1) Sinilih tunggil Krama Desa lan Banjar tan kalugra :
 - a. Ngalah-alah margi, tegal druwen Desa, karang Desa;
 - b. Ngalah-alah tanah, tegal Kahyangan, setra, lan sakan-
can genah sinanggeh suci.
- (2) Prade wenten sakadi ring ajeng, sang ngalah-alah wenang nga-
waliang tanah inucap saha keni pawidanda sapatutnia, ka-
dulurin upakara ring pangalah-alah tanah suci manut para-
ra.

Kaping 2

P a p a y o n a n

Pawos 26

- (1) Ngawit nandur papayonan tanem tuwuh patut adepa agung (2,5 m) ngajroang saking wates, prade ngaliwat wates wenang kasepat gantungin.
- (2) Yening wenten tatandurin ngungkulin, samaliha mawastu mayanin kapisaga patut kawara antuk paiguman ping ajeng prade sang neruwenang wit ngarebah utawi notor.
- (3) Prade sampun kawara taler tan wenten usaha sang nruwenang wit, sang rumasa katetahan lan kajerihan wenang masadok ring Prajuru, tur ring sampun kaparitetes kalugra ngicalang wit inucap.
- (4) Sang keni pamidanda panyangaskara saha prabia manut pararem arep ring wawangunan sang karubuhan, luire :
 - a. Sang neruwenang wit sinanggeh mayanin, prade pungkut ngarubuhin wawangunan Krama tios;
 - b. Sang notor, munggul utawi ngarebah taru tur ngarubuhin Krama tios.
- (5) Krama Desa patut ngamanggehang kawerdian tanem tuwuh sane ngawinan Desane asri.

Kaping 3

W a w a n g u n a n

Pawos 27

- (1) Nyabran ngawangun patut :
 - a. Masadok ring Prajuru kaping ajeng prade wawangunan nganinin wates;
 - b. Ngangge Astha Bhumi miwah gagulak Astha Kusala-kusali sanistania manut patitisinikala;
 - c. Tan nyayubin kapisaga.
- (2) Prade wawangunan nyawubin bilih-bilih temboke ring telengin wates, risampun kawara tur kasadokang ring Prajuru wenang kadanda manut pararem saha tembok inucap kagubar utawi sanistania mangda kakaryaning abangan.

Kaping 4

W a w a l u n g a n

Pawos 28

- (1) Sahanan Warga Desa sane miara wawalungan (bawi risampun m -

bélas, utawi banteng sampun masaluk tali), patut siaga nitenin negul, ngalogor mangda tan ngarusak karang utawi pabianan Krama tios, bilih-bilih jantos ngaranjing ngaletihin Kahyangan.

- (2) Prade wenten wawalungan malumbar utawi ngeleb ngarusakin pabianan, pakarangan Krama tios, risampun kawara kengin kataban tur kadanda ngawaliang wit sane karusak saha nawur panebas papiaran tataban anut pangelokikan Prajuru Desa.
- (3) Prade jantos ngaletihin linggih suci, minakadi Pamerajan, Pamaksan muang Kahyangan Desa risampun kaparitetes antuk Prajuru sang nruwenang kadanda pamriascita linggih suci inucap agung alit dudonannya sakadi ring sor :
 - a. Linggih suci Pamerajan, praiascitania pakaliangan utawi pacaruan eka sata (ayam brumbun);
 - b. Pamaksan, praiascitannya pasapuh-sapuhan manca warna;
 - c. Kahyangan Desa praiascitannya pasapuh-sapuhan amanca sanak (panca sata maulu itik ulang-alung).
- (4) Krama Desa patut nyanggra wawalungan miwah sarwa prani tan kapatut ngamademang paksi miwah nuba ulam miwah sane tiosan.

Kaping 5

B h a y a

Pawos 29

- (1) Pari indik bhaya, luire : jiwa bhaya, artha bhaya (kapan-dungan) dura cara ring Agama.
- (2) Sang manggihin kaanan jiwa bhaya, patut nepak kulkul bulus mapitulung anut pawos 16 (2) aksara b.
- (3) Prade ring Desa kaanan jiwa bhaya patut Desane ngaturang Butayadnya tur sang mayanin keni prabia inucap saha katur ring sang ngawawenang.
- (4) Prade wenten jatma mamisuh utawi nguman-uman jatma tios, kakenanin pamidanda bia pacamil lan pamerascita.
- (5) Prade wenten jatma mobot anom yan ngaranjing ka Pura, Pamaksan, Panti, Pamerajan miwah Kahyangan Desa kakenanin macaru magumi suda anut dudonan Pura.
- (6) Kacuntaka ngaraja suala tan dados ngaranjing ka linggih suci yan prade ngaranjing kakenanin pamidanda (macaru) ngupa ayu linggih suci manut pararem.

Pawos 30

- (1) Sang manggihin kahanan artha bhaya (kamalingan), patut ngulkul mapitulung anut ring pawos 16 (2) aksara b, utawi sang ngamalingan atur supekse ring Prajuru Desa mangda nimbangin utawi nandanin manut daging Awig-awig saha mawuwuh panyangas-

kara prade wenten jatma ngamaling barang sinanggeh suci tur sang ngamaling katur ring sang ngawawenang.

- (2) Pratingkahe mapailon ring dusta kabawos saruron, prade wenten jatma manggihin maling tan nyadokan ring Prajuru jantos jatma tios nyaduang, patut kadanda kadi dandaning maling, sakueh pangargan manut cacakan Banjar, tur prade jantos ping tiga malaksana asapunika wenang kasukserahang ring sang Ngawawenang.
- (3) Prade wenten jatma ngarereh raremon, minakadi daun kalapa tan masadok ring sang nruwenang wit, prade kacunduk (katara) patut kadanda kadi dandaning maling.
- (4) Yening jatma ngaranjingin ka pakubon wiadin pakarangan rikala suwung, mawastu sang madrue karang kaicalan, wenang jatma inucap katuwekang antuk madewa saksi ring Pura Bale Agung.
- (5) Mangda tan katuwekang manut ring ajeng, asing-asing ngaranjingin kubon jatma tios patut :
 - a. Matengeran suara (makaukan);
 - b. Nyantos sang nruwenang karang rawuh utawi masadok ring pangapit pinih tampek, maka buatan pangaranjinge;
 - c. Pamedal karangnia kadagingin sawen, makacihna pangarah rikala suwung.

Kaping 6

Panyanggran Banjar

Pawos 31

Krama Desa rikala ngawentenang karya suka duka, patut kasanggra antuk Banjar, luire :

- a. Prade ngawangun Pitra Yadnya utawi Manusa Yadnya, manut pinunas sang mayadnya;
- b. Pangarombo utawi karya gotong royong Krama jantos ping tiga salangkungan ring punika patut katuran pangu;
- c. Pangu rikala Pitra Yadnya anut abot/dangan Yadnya, prade saking semeng, ngantos wengi patut katuran pangu ping kalih.

SARGA IV

SUKERTA TATA AGAMA

Palet 1

Indik Desa Yadnya

Pawos 32

- (1) Palinggih panyiwian wawidangan Desa Adat Umakuta, luire :

- a. Pura Kahyangan Tiga;
 - b. Pura Catur Bhuana;
 - c. Pura Masceti;
 - d. Pura Pucak Sari;
 - e. Pura Panataran Pangsut.
- (2) Rahina piotalan ngawarsa Kahyangan inucap kadi ring sor :
- a. Pura Dalem lan Pura Prajapati Tileming Sasih Kapat ;
 - b. Pura Puseh lan Pura Masceti Pananggal apisan sasih Keli Ma.
 - c. Pura Bale Agung Buda Wage Kalawu;
 - d. Pura Pucak Sari Saniscara Kaliwon Wuku Kuningan;
 - e. Pura Panataran Pangsut Purnamaning Sasih Kapat;
 - f. Pura Catur Bhuana Tumpek Wariga.
- (3) Pangaci ring Pura inucap manut kecap Sastra Agama, kalaksanayang nista, madia, utama nganut kawentenang lan pararem.
- (4) Sewosan rahina piotalan ring soang-soang Kahyangan inucap wenten malih Yadnya enem sasih apisan kalaksanayang sakadi ring sor :
- a. Pamargi ring Kahyangan Desa :
 - 1. Pura Dalem nyabran Anggar Kasih Madangsia;
 - 2. Pura Puseh lan Pura Masceti Buda Umanis Madangsia;
 - 3. Pura Bale Agung Buda Wage Kalawu;
 - 4. Pura Pucak Sari Tumpek Kuningan;
 - 5. Pura Catur Bhuana Tumpek Wariga;
 - 6. Pura Panataran Pangsut Buda Kaliwon Pahang.
 - b. Pamargin/pangulati indik karahayuan, luihipun :
 - 1. Tumpek Uye karahayuan wawalungan;
 - 2. Tumpek Wariga karahayuan tanem tuwuh mangdene maka sami prasida mapikolih;
 - 3. Tumpek Karulut piotalan saluiran lalangan.
 - c. Pamargi pangaci-aci carik ngawit saking mendak toya, matanduran, pangampih marana, ngalapin jantos pari sampun munggah ring jineng tetep kamargiang.
 - d. Pangemong Pura manut dresta, kaamong Desa Adat Umakuta.

Pawos 33

- (1) Ring Pura inucap kawentenang Pamangku :
- a. Ring Pura Kahyangan Tiga, Masceti, Prajapati miwah Pura Catur Bhuana kaamong antuk kalih Pamangku;
 - b. Pura Pucak Sari, Pura Panataran Pangsut kaamong antuk Pamangku nunggil.

(2) Ngadegang Pamangku manut dudonan :

- a. Mapinunas pamuwus Widi, nyanjan utawi masemurang soang-soang mapiteges mapinunas ring Pura;
- b. Turunan utawi ngawaris;
- c. Kacatri olih Krama Desa.

(3) Tan kavenang angge Pamangku, luire :

- a. Ceda angga, luire : pecang, perot, sengkok, cungh, i-lang lima jariji, lebih, badug, bancih muang sakit ila, gendeng-gendengan lan sapenunggilania;
- b. Sang sapa sira ugi sane tan kapatutang manut pararem.

(4) Prabia kapamangkuang :

- a. Adiksa Widi (pawintenang), kamedalin saha kalaksanayang antuk sang ngadegang, makadi Krama Desa;
- b. Mapitra Yadnya riwekas taler kasungkemin tur kalaksanayang antuk Krama Desa utawi pangamong kamawon;
- c. Pitra Yadnya sakadi ring-ajeng taler patut katiba arep ring sane kasinanggehang istrin Pamangku manut pararem duk pamadegan Pamangku inucap.

(5) Pamangku patut ngamanggehang sasananing Pamangku, luire tan wenang ajajuden miwah sane sewosan.

Pawos 34

Buadharmaning Pamangku, luire :

- a. Ngenterang upacara piotalan ring Kahyangan utawi ring soang-soang pakubon Krama;
- b. Tan wenang salab-sulub, yan masurug wenang Pamangku inucap nyepukin angga;
- c. Silih einunggil yan wenten Desa pakraman ngipik-ngipik sa-pari polah Pamangku yan tan hana pelihnian, sang ngipik-ngipik wenang nyuciang Pamangku inucap;
- d. Prade Pamangku kapialang utawi cuntaka, kengin ngaturin Pamangku tiosan utawi nur Sang Sulinggih;
- e. Yan Pamangku maspas ngayuh ring Kahyangan, somu jagi wenten piotalan, kancit wenten kulawarganila Kapademan, Pamangku inucap tan keneng cuntaka sakewanten tan budal salami piotalan;
- f. Pamangku tan keni kacuntakan Kapademan saking tios pakulawargan Pamangku inucap.

Pawos 35

Patias utawi olih-olihan Pamangku, luire :

- a. Panyolakan miwah sarin cenang soang-soang pakubon Krama Desa;
- b. Upon-upon palaba carik wit ngaryanin manut pararem;
- c. Luput pakaryan lan rarampen/raramon padagangan kapi kadi pararem.

Pawos 36

- (1) Pamngku kagentosin riantukan, luire :
 - a. Seda;
 - b. Pinunas ngaraga, manawi kageringan lan sapanunggalania;
 - c. Kawusan antuk Krama manawi malaksana sane tan patut (asta dusta).
- (2) Prade Pamangku kawusang sangkaning malaksana tan patut, keni pamidanda manut pararem saha ngawaliang prabia pawintenan pecak.

Pawos 37

Kasukertan Kahyangan sekadi ring sor ;

- a. Tan kalugra ngranjing ka Pura, luire :
 1. Makta sahanan barang sinanggeh ngaletihin;
 2. Sang katiben kacuntaka;
 3. Sato agung rikalaning mapada;
 4. Mabusana tan manut kadi tata caraning ngaranjing ka Pura;
 5. Sadereng polih uak-uakan Prajuru Desa.
- b. Pratingkahe tan wenang ring Pura :
 1. Masumpah (cor) sajawaning patuduh Prajuru Desa;
 2. Makobetan, masasenengan, macecepin, nyangsang busana, manahin pusungan (saantukan punika rikala majajahitan patut magelung busung macongger lidinia);
 3. Mungguh tedun palinggih sajawaning pituduh Prajuru.
- c. Sang murug kecaping ajeng, keni pamidanda pameriascita sapatutnya.

Pawos 38

- (1) Yen wenten jatma karauhan ring Pura kengin kapintonin prade rumasa kasumangsayan, yan tan wiakti jatma inucap kasisipang manut pararem.
- (2) Prade Kahyangan kahanan durmangala minakadi kapancabhaya Pamangku utawi sang manggihin patut digelis nyadokang ring Prajuru mangda marumang Krama Desa ngawentenang panamiascita sapatutnia.

Palet 2

Indik Rsi Yadnya

Pawos 39

- (1) Sajawaning Pamangku, sang pacang madeg pandita utawi pinandita minakadi balian konteng, dalang kubayan, sakaluiring jagi ngenterang yadnya, patut nguningang ring Bendesa utawi

Parisadha Hindu Dharma Indonesia manut dresta.

Prajuru Desa patut ngawas nitenin tur wenang ngalangin prade wenten kacihnan sasar kakecap miwah drestane, tur sareng nyaksinin upakara saha nyobiahang paruman Desa tegap rauhing kawenangan pangenter yadnya.

Erama Desa patut ngaturang ayah sapamadeg miwah ring panglepas sang Sulinggih riwekas katuntun antuk Prajuru.

Pawos 40

Sang Sulinggih patut ngariining ngranjing ring wawidangan Desa Adat Umakuta sasampunne wawu muputang yadnya kajebag tiros utawi kadura Desa.

Erama Desa sami patut sareng ngawas, nitenin katuntun antuk Prajuru mangda sahanan Yadnya sane kawentenang kabebehan pamuput olih Padanda utawi Pinandita manut kawewangannya soang-soang.

Palet 3

Indik Pitra Yadnya

Pawos 41

Pamargin Pitra Yadnya madudonan manut sakadi ring sor :

1. Pangupakaran sang kalayu sekaran :

1. Antuk mendem utawi ngeseng makacihna makingsan ring Ibu Pertiwi utawi ring Bhatar Brahma, salami nutupang prabiia;
2. Ritatkala wenten kalayu sekaran (padem) yan mendem nenten ngetang rahina padewasan.

2. Atiwa-tiwa (upakara pangabenan/palebun) manut dudonan.

Minggah daun bingin utawi ngaroras lan sapanunggalania manut dudonan Atma Wedana.

Pawos 42

3. Laranganing lan tategenan prade wenten sinalih tunggil Kra-
4. kalayu sekaran, inggih punika :

a. Sang kadukitan :

1. Nyedokang ring Kelihan Banjartur nunas tatimbangan ring kawentenannya;
2. Ngeturin Banjar ngarombo makarya eteh-ete saha kaduluring panyembrama canang sasida ring pangarombo nganter ka setra.

b. Suardmaning Banjar/Desa :

1. Kelihan Banjar maritetes pamargin sang kadukitan marike pacang kapendem makingsan riin utawi ngalantur kapalebunang;

2. Risampun paritatas pamargine Kelihan Banjar nguningayang ring Bendesa Adat;
3. Prade kapendem raris kawentenang kulkul tenger kalayu sekaran tur kalaksanayang antuk Banjar;
4. Panyanggran Banjar salanturnya, luire :
 - a). Patus Banjar ngarep manut pararem;
 - b). Patus Banjar pangele manut pararem;
 - c). Ngarombo ngaryahin eteh-ete sawasaha kasabungin antuk Krama sane rawuh mangaksiang;
 - d). Krama Banjar sareng ka setra jantos papendeman puput.
- c. Tan kengin nginepang bangbang.
- d. Prade wenten kalayu sekaran rikala piodalan, wantah panguninge rawuh ring Kelihan Banjarsaha pamarginne sakadi ring sor :
 1. Papendeman kamargiang wengi;
 2. Kalayu sekaran anak durung maketus miwah sane sampun maketus kamargiang antuk pangapit;
 3. Tan katengerang antuk suara kulkul;
 4. Pamargin patus kalaksanayang rikala piodalan sampun puput;
 5. Tan kengin ngalelet utawi nyekah.
- e. Prade kaplebonang :
 1. Tan kengin ngalelet utawi nyekah sawa langkungan ring ti-gang rahina duaning asapunika upakara Yadnya palebon saha pangalaksananyanne sajeroning sengker;
 2. Yan pet sajroning rahina kekeran, piodalan ring pahriangan, rarainan jagat lan sapanunggalania patut kasepiang, upakara Yadnya palebon kalaksanayang risampun rahina kekeran inucap telas pamarginnyanne manut sengker;
 3. Mungguing indik Banjar kasukserahang ring sang ngalaksanayang maka janten ipun, kengin nunas ring Banjar sane kasi-nanggeh Banjar ageng;
 4. Indik patus kamargiang manut pamargin Banjar inucap.
- f. Pamargin patus :
 1. Patus Banjar ageng ritatkala palebon dadakkan, luire manut pararem;
 2. Pangungunne ring Banjar manut dresta, tata krama, sila krama miwah sima krama.
- g. Pamangku sane sampun Adiksa Widhi utawi ngalaksanayang pawin-tenan sapatutnyanne tan kengin kapenden patut kapalebonang.

sane mameras sang putra, tur sampun kawentenan upakara sakadi manut ring ajaran Agama Hindu;

- k. Cuntaka Sad Tatayi cuntakania ngantos sampun maperascita raga tur nenten pisan dados ngamunggahan upakara padijatian.

(3) Cuntaka kalayu sekaran/kapademan :

a. Kapendem cuntakania :

1. Cuntaka/sebel ka Banjar rauhing 3 rahina riwusnia mendem utawi sasampun polih praiascita (masapuh);
2. Sang kalayu sekaran miwah sang madunungan sane ketah kabaos ring Desa Adat Umakuta "nyeebbahma" manut senger;
3. Kawulawargania sajeroning pakarangan ngantos 11 (solas) rahina.

b. Kaaben cuntakania :

Sang nyambut karya pitra yadnya cuntakania ngawit saking ngarancang karya rawuh riwus yadnyania (mapegat).

(4) Sane katiba cuntaka, luire :

a. Kalayu sekaran sane kacuntaka :

1. Sang sane kalayu sekaran;
2. Kawula wargane;
3. Babanjaran.

b. Ngarajasuala sane kacuntaka :

- Sang sane ngarajasuala.

c. Ngembasan putra sane kacuntaka :

- Kawulawargannia sane ngembasan putra lanang wiadin istri.

d. Pawiwahan sane kacuntaka :

- Sang sane kaupakara pawiwahan lanang wiadin istri.

e. Karuron sane kacuntaka :

- kawulawargania lanang wiadin istri.

f. Gamia gamana sane kacuntaka :

1. Sang sane ngalaksanayang gamia gamana;
2. Desa Adatnyanne.

g. Anak istri menet wenten kawentenan upakara pablukaonan sane kacuntaka :

- Sang sane maraga istri (sane mobot).

h. Mamitra ngalang sane kacuntaka :

- sane ngalaksanayang mamitra ngalang.

i. Ngembas putra nenten kawentenan upakara pablukaonan miwah upakara mawidiwidanan sane kacuntaka :

1. Sang sane nembas putra;
2. Putra sane nembas.

(5) Tan keneng cuntaka, lui're :

- a. Sang sulinggig lan Pamangku Kabhayan Tiga;
- b. Prajuru Desa sane sampun Adhiksa Widhi utawi sane ngalak-sanayang pawintenan sapatutnyanne;
- c. Rikala piodalan risampun ngalang sasih/ngalang tengah.

Pawos 44

a. Atiwa-tiwa utawi pangabenan kalaksanayang antuk :

1. Nyawa Resi utawi nyawasta geni saantukan nenten ngagah utawi manawi sawa tan kakaniang.

2. Patas pangabenan :

a). Patas pangabenan masa manut wawilangan pararem;

b). Patas dadakan utawi bah bangun manut wawilangan pararem.

b. Dadonan pangabenan ngawit saking ngeplugin utawi ngadegang tukon muang pisangjati, jantos pangiriman utawi nganyut.

Palet 4

Indik Manusa Yadnya

Pawos 45

(1) Manusa Yadnya inggih punika upacara-upacara darmaning manusa, ngawit saking patemuan alaki rabi pawiwahan saha patemoning kama petak kalawan kama bang sajeroning garbha ngantos kalayu sekaran riwekas.

(2) Upacara ring ajeng madadonan sakadi ring ajeng :

a. Abiakala;

b. Magedong-gedongan, risampun bobotania mayusa tigang sasih;

c. Duk sang kamasreksa medal;

d. Kepus udell;

e. Koras rahina;

f. Tutug kambuhan (42 rahina);

g. Tigang sasihan (3 sasih);

h. Paweruan/oton/odalan (6 sasih);

i. Tutug kelih (agaraja wadon, agembakin lanange);

j. Katalah/mapangg;

k. Pawiwahan;

l. Pawintenan.

(3) Upacara-upacara laucap, alista, wadia, manutana manut lantana Agamu saha catas dresta agamutia sika Arana Desa liak, kuta.

Palet 5

Indik Bhuta Yadnya

Pawos 46

- (1) Bhuta yadnya punika upacara-upacara pabiakala ring Pertiwi lan Kahyangan, sarwa prani saha upacara-upacara ring Babhutan.
- (2) Upacara ring pabiakala ring sarwa prani, luiire :
 - a. Ring sarwa tumuwuh rikala Tumpek Pangatag (Saniscara Kliwon Wariga);
 - b. Ring sarwa ingon-ingon rikala Tumpek Andang (Saniscara Kliwon Uye);
 - c. Upacara pakala-kala manusa manut widana, kabawos pabiakala.
- (3) Upacara pabiakala ring Pertiwi Kahyangan lan babhutan kawastanin macaru.
- (4) Pacaruan inucap ring ajeng nista, madia, utama manut wiguna kadi ring sor :
 - a. Eka Sata;
 - b. Panca Sata;
 - c. Resi Gana;
 - d. Panca Kelud;
 - e. Panca Sanak;
 - f. Tawur Agung.
- (5) Sajawaning ring ajeng kawentenang upacara :
 - a. Masaliban nyabran wusan ngarateng;
 - b. Masapuh-sapuh rikala pacang wali ring Pura;
 - c. Rikala katekaning linuh, carunia manut sasih;
 - d. Caru karubuhan.

Pawos 47

- (1) Nyabran ngawarsa rikalaning Tilem Kasanga kawastaning Tawur Kasanga, maka cihna pacang mapag rahina panyepian benjangne.
- (2) Pamargi sajeroning Tawur Kasanga, sakadi ring sor :
 - a. Ring Paempatan Desa kamargiang Bhuta Yadnya bobot wawilangan Panca Sata, ulunia itik ulang-kalung;
 - b. Soang-soang Banjar eka sata (ayam brumbun) tur ngangge sanggar surya (pangeret);
 - c. Soang-soang puri utawi paumahan :
 1. Ring Pamarajan Kamulan Tengah ngunggahang pajati tegap saha pasucian lengawangi, buratwangi, muang segehan ring natar Pamarajan rawuhing natar puri utawi paumahan;
 2. Ring pamedal jaba, nancep sanggah cucuk saha yadnya pajati tegap, tumpeng danaan, ulamnia olahan ayam brumbun, ring sor segehan agung.

- (3) Pabratan Panyepian sane kamargiang ring Desa Adat Umaku-
ta, inggih punika :
 - a. Amati Geni, tan kengin maapi-api;
 - b. Amati Karya, tan ngalaksanayang kakaryan;
 - c. Amati Lalungan, tan kengin lunga ngaliwat ring pakuwuban;
 - d. Amati Lalangan, tan kengin maoneng-pihongan, masuara gora lan sapanunggalania.
- (4) Pabaratan inucap kamargiang saking semeng, mijil Sang Hyang Surya jantos benjangne semeng.
- (5) Sang mamurug kecaping pabratan inucap, keni pamidanda manut wawilangan prabia yadnya sane kamargiang ring pempatan Desa.
- (6) Soang Banjar kamargiang pacelik utawi pacalang.
- (7) Tatas rahina Nyepi utawi benjangne makacihna pangawit Isaka Warsa, patut soang-soang Warga Desa sami ngaksa-ma (dharma santi).
- (8) Sajaba pamargi utawi pangelaksanaan upacara Panyepian wenten sane kalaksanayang nganem sasih apisan ritsepengan Galungan, Kuningan Piodalan Saraswati ketah kabawos rarainan jagat.
- (9) Siwa Latri kamargiang Prawaniding Tilem Kapitu.

SARGA V

SUKERTA TATA PAWONGAN

Palet 1

Indik Pawiwahan

Pawos 48

- (1) Pawiwahan inggih punika patemoning purusa kalawan pradada, malarapan panunggalan kayun suka cita kadulurin upasakel sakala niskala.
- (2) Parilaksana pawiwahan, luihipun :
 - a. Papadikas kamanggala aruk pekrunayang;
 - b. Ngararod ngarangkat riis wawa kakrunayang;
 - c. Nyeburin utawi santana nyeburin risampun nganutin Upakara sapatutane.
- (3) Pidabdab sang pacang mawiwaha patut :
 - a. Sampun munggah duka utawi taruna (prasida anut UU perkawinan);

- b. Pameragi jawa(wahsan munda) nggungin taler SU Parkawinan
diting wong Ngawawuwang;
- c. Sangkuning pala wong (tan kapukon);
- d. Karadilwangi trade panyunbila tice agama nglak Kaputi-
wanti.

Figure 1

Handwritten note: "Handwritten note regarding making down Adat Umbuntu dalam 1 ring 200 x"

- a. Sampul kemegahan publikasi atau penerbitan, sinopsis-
dan artikel ilmiah atau artikel untuk Panitia atau Panitia;
- b. Kertas penerbitan Prajurit;
- c. Sampul sambutan atau surat Wakil.

17) Striptise sama tak mauhi sekali ring ajeug sinanggah tan
pateur piteur tan sah.

Page 50

File core parabolic potui eskadi ring cor :

1. Alasannya paper ini masih sangat banyak beredar di kalangan masyarakat luas, sehingga menimbulkan kebingungan dan kecurigaan masyarakat.

- [illegible]

4. Handwritten assignments representing learning objectives (2 items)
5. Representative written work demonstrating student learning

[illegible]

1. Language: The language used in the document is English.
2. Date: The date of the document is 1964.

- c. Kacihnayang ring kapurusa utawi prasida santana re-
jeg kajejerang kapatut ngidih anak lanang sane kabawos pawiwahan nyeburin.
- (5) Pakerab kambeyan mapiteges upacara tinas apadang utawi puput mapikuren duaning manut sakadi :
 - a. Sajeroning kabawos kambe, kalaksanayang ring sakala niskala antuk jajauman miwah pawidi widana;
 - b. Widi widana pinaka pajati niskala nunas wadone ring Pamarajan;
 - c. Jajauman pinaka kaadungan kayun soang-soang pakulawargan wadone;
 - d. Sajeroning bawos kerab palaksana ring sakala antuk panyaksi ring Krama Banjar, kakeraban antuk tengeran pamekas panyaksi Prajuru saha ngilikitayang.

Palet 2

Indik Nyapian

Pawos 51

- (1) Pawiwahan prasida kawusan malarapan palas marabian utawi kapademan.
- (2) Wusan mapikuren riantukan salah sinunggil seda mapiteges, makadi balu lanang utawi istri.
- (3) Palas marabian wenten kalih pawos, inggih punika sangkaning lila miwah mawiwit wicara.
- (4) Sang ayat palas marabian patut atur supekta pailikitan ring sang rumawos, wastu tinas apadang pamutuse kabawos nyapian, ring Desa saha keni panebas kulkul manut pararem Banjar utawi Desa.

Pawos 52

Tata cara palas parabian sangkaning pada lila :

- a. Nawur prabia pasaksi sinalih tunggil sami atenga;
- b. Pagunakaya polih pahan pada;
- c. Pabekel tan tatadan soang-soang kakuasa niri-niri muah warisan kakuasa antuk purusa;
- d. Ngaweruhin miwah ngupajiwa pratasantana manut suadarma guru rupaksa;
- e. Nawur pamidanda panebas suaran kulkul manut pararem.

Pawos 53

Prade wenten sang palas kacihna adung malih, patut ngalaksanayang pawiwahan malih, kalih keni pamidanda manut pararem.

Pawos 54

- (1) Sang balu kabinayang dados :
 - a. Balu luh wit santana utawi santana rajeg miwah balu luh boya santana;
 - b. Balu muani kapurusa utawi wit santana miwah balu muani santana wiadin boya santana.
- (2) Suadarmaning balu inucap patut :
 - a. Ngamagehang patibrata, tan kengin ngamargiang paradara utawi dratikrama;
 - b. Nguasayang waris, pagunakaya, tan dados ngadol, ngadeyang, makidihang lan siosan punika, sajawaning kabebasan saking pianak utawi kulawarga pinih nampek saking kurenannya prade pianak kantun alit-alit;
 - c. Kengin ngidih santana prade wenten pidabdab sadurung sinalih tunggil padem, saha kabebasan antuk kulawarga sinanggeh purusa;
 - d. Kawenang mawiwaha malih.

Pawos 55

Balu kaucap tan pageh sakadi ring sor :

- a. Drati krama utawi paradara;
- b. Matilar saking pakuwuban tan pasadok jantos 6 sasih;
- c. Lempas ring suadarma tios-tiosan, tan prasida ngehehin solah maprawerti arep ring pituduh kulawarga purusa.

Palet 3

Indik Santana

Pawos 56

- (1) Santana wenten kalih pawos sane kaucap pratisantana miwah santana paperasan.
- (2) Pratisantana inggih punika santana sane wetu saking pawiwahan kapatut.
- (3) Prade pawiwahan tan kapatut ngawetuang santana, mangda i-pun tan kawastaning babinjat utawi sastra yogia kamanggala antuk panyangaskara miwah paperasan.
- (4) Prade pawiwahan tan ngawetuang santana kengin ngidih santana antuk upasaksi sakala niskala sane kawastanin paperasan.

Pawos 57

- (1) Ngangkat santana manut dudonan patut makacihna artha brana pamerasan saha sinaksenan sakala niskala.

- (2) Sapa sira ugi Krama pacang ngidih santana patut masadok ring Bendesa sanistane tigang sasih sadereng pamerasan.
- (3) Bendesa kawakilin antuk Banjar nyiarang ring sawidangan Desa sang sapa sira ugi rumasa tan lila patut nyadokang masengker kalih wuku sabanen pamerasan ring Bendesa.
- (4) Prajuru Desa digelis mawosin saha ngicenin pamutus nepak ring catur dresta miwah pararem.
- (5) Prade sulur pamerasan tan manut ring kecaping ajeng, Prajuru Desa wenang ngandeg sang pacang makarya saha ngicenin panuntun mangda kapuputang riin babawos sulur utawi wicara.

Pawos 58

- (1) Paperasan sane kapatut ring Desa Adat Umakuta sampun makacihna :
 - a. Widi widana pamerasan;
 - b. Kasaksinin antuk Prajuru Desa makelingin utawi ngilikitayang;
 - c. Kasobiahang ring wawidangan Desane.
- (2) Sane kapatut anggen santana kadi ring sor :
 - a. Jatma sane magama Hindu;
 - b. Papernahan nedunang saking sang meras;
 - c. Kulawarga saking purusa prade tan wenten kangin saking wadon yaning wenten wawu kengin sakama-kama wia-din saking kayun.
- (3) Kengin ngangkat santana langkungang ring adiri lanang wia-din wadon.

Palet 4

Indik Warisan

Pawos 59

- (1) Warisan inggih punika tatamian artha brana saha ayah-ayahan ngupadi sukerta sakala niskala saking kaluhuranla arep ring turunannya.
- (2) Kang sinanggeh warisan, luire :
 - a. Duwe tengah, makadi tegal, ayahan Desa, Kahyangan, Pusa-ka Siwa Krana lan sapanunggalania;
 - b. Pamarajan;
 - c. Pagunakaya, tadtadan utawi jiwa dana, utang piutang.
- (3) Wawa kengin kabawos warisan prade wenten :
 - a. Sang napiturun (pawaris);

- b. Katurunan (ahli waris);
- c. Artha brana miwah tategenan (ayah-ayahan) makacihna warisan.

Pawos 60

- (1) Ahli waris, luiire :
 - a. Pratisantana purusa;
 - b. Pratisantana pradana (santana rajeg);
 - c. Santana paperasan lanang utawi wadon.
- (2) Prade tan wenten sakadi ring ajeng, kang sinanggeh ahli waris :
 - a. Turunan purusa pernah ngunggahang makadi rarama lanang, pekak, misan mindon lanang;
 - b. Turunan purusa pernah kasamping makadi kaponakan misan mindon.

Pawos 61

- Suadarmaning ahli waris, patut :
- a. Narima saha nguasayang tatamian pahan saking kaluhurania, makadi ngarempon sanggah, Pura saha pangupakarania muah nyalediin ayah-ayahan pawaris;
 - b. Ngabenang pawaris saha ngalanturang upacara-upacara pitra;
 - c. Nawurin hutang-hutang pawaris sane manut pangalokika.

Pawos 62

- Pah-pahan waris manut sakadi ring sor :
- a. Risampun kalaksanayang Pitra Yadnya lan hutang-hutang pawaris puput katawur;
 - b. Para ahli waris polih pahan pada sangkaning pagunakayan, kengin yan wenten warisan laluhur punika kapah manut waris kemawon sang ngarep polih lintangan malih apahan;
 - c. Sinalih tunggil ahli waris kengin tan polih pahan prade :
 - 1. Nilar kawitan lan sasananin Agama;
 - 2. Alpaka guru rupeka;
 - 3. Santana rajeg kesah mawiwaha utawi pratisantana nyeburin soang-soang kabawos ninggal kadaton.
 - d. Boya ahli waris kengin muponin anut dadudonan, luiire :
 - 1. Santana luh, sadereng kesah mawiwaha utawi tan alpaka guru miwah prade madrebe pianak tan kaangkenin antuk wong tua rare inucap, kengin ngawarisin wantah pikolih (pagunakayan) santana luh inucap kemawon;
 - 2. Balu luh wiadin muani nyeburin (soang-soang boya santana);

3. Mulih deha utawi taruna, riantukan ring pawiwahan pe-
cak sampun kabawos ninggal kadaton.
- e. Pawaris kengin maweweh rikala maurip pinaka jiwa dadi,
tatadan/bekel, makacihna paweweh tetep ring planak sane
kesah mawiwaha.

Pawos 63

- (1) Prade sajeroning pakulawargan wenten ahli waris lang-
kungan ring adiri patut :
- a. Kawentenang paigum indik padum waris inucap;
 - b. Yan tan prasida, katunasang tatimbang ring Prajuru-
Prajuru (Kerta Desa);
 - c. Prade taler tan wenten cumpu ring panepas Kerta De-
sa, kengin katunasang ring sang rumawos.
- (2) Prade jantos karang Desa kaepah utawi kasepih, patut
soang-soang nedunin makrama Desa ngarep.
- (3) Prade wenten pakulawargan numbas tanah, patut nedunin
makrama desa ngarep, sakewanten sampun nruwenang wa-
ngunan manut pararem.
- (4) Prade karang inucap kaputungan, Prajuru-prajuru nibakang
ring :
- a. Sang sinanggeh ahli waris :
 - 1. Pratisantana;
 - 2. Santana paperasan.
 - b. Sang kengin anggen santana anut pawos 57. (2) miwah
(3).
 - c. Prade taler tan cumpu ring pamutus Kerta Desa, kengin
katunasang ring sang rumawos.

SARGA VI

WICARA LAN PAMIDANDA

Palet 1

Indik Wicara

Pawos 64

- (1) Sane wenang mawosin makadi mutusang wicara ring Desa
inggi punika Prajuru Desa, sinanggeh Kerta Desa.
- (2) Prade sang mawicara tan wenten cumpu ring pamutus Kerta
Desa kengin nunasang wicara inucap ring sang rumawos.

Pawos 65

- (1) Sahananing wicara mawiwit kacorahan sakaluire sinanggeh

- nungkasin daging Awig-Awig, pararem, miwah pasuara Desa/
Banjar, Prajuru patut digelis mawosin tan nyantos pasadok,
(2) Sajaba wicara kadi ring ajeng patut nyantosin pasadok sang
nunas bawos.
(3) Panepas patut pastika nyantenang iwang patut malarapan
Tri Pramana inggih punika saksi, ilikita, bukti, miwah
tan maren nepek ring Catur Dresta.

Palet 2

Indik Pamidanda

Pawos 66

- (1) Desa Adat/Banjar wenang niwakang pamidanda ring Warga De-
sa utawi Banjar sane sisip.
- (2) Paniwak inucap kalaksanayang olih Bendesa Adat/Kelihan
Banjar ring pakraman Desa Adat/pakraman Banjar.
- (3) Bacakan pamidanda, luih ipun :
 - a. Ayahan anggen panuku kasisipan;
 - b. Danda artha;
 - c. Panyangaskara;
 - d. Kanorayang;
 - e. Kadaut karang ayahan.
- (4) Pamidanda sane katiwakang patut masor singgih manut
ring kasisipan.
- (5) Jinah utawi artha brana pemidanda ngranjing dados dru-
wen Desa/Banjar.

Pawos 67

- (1) Krama sane tigang paruman ngalantur tan nawur urunan mi-
wah pamidanda wenang karampag.
- (2) Rarampagan ngangge tata cara sakadi ring sor :
 - a. Kalaksanayang antuk Prajuru kasarengin antuk Krama
Desa maka sami;
 - b. Sang angarampag sangkaning darsana ngambil barang u-
tawi nyawenin tanem tuwuh, akehnia manut utang sang
karampag;
 - c. Prajuru mitegesang mangda artha brana sane karampag
digelis katebus, masengker tigang rahina utawi pi-
tung rahina;
 - d. Tan dados ngarampag barang sinanggeh suci miwah nga-
rampag pamutus pangupajiwa.

Pawos 68

- (1) Prade sang ngarampang ngawara utawi ngalangin palaksana inucap tan manuting Awig-Awig Desa, wenang Karang Desa sane kagenahin, kadaut antuk Desane.
- (2) Samalih yan purun taler ngalangin palaksana kadi ajeng tan wenten pamargi sajawaning kasepekang antuk Krama Desane.
- (3) Pamidanda inucap ring ajeng jangkep tinas risampun sang kakenanin :
 - a. Nunas geng sinampura ring Krama Desa Adat, sajeroning pasamuhan saantukan nguak pasubaya (pararem) pecak;
 - b. Nawur pangargen panguakan pasubayane duk pacang karampang kadulurin prayascita kaiwanganne ring Desa.

SARGA VII

NGUAH-NGUUHIN AWIG-AWIG

Pawos 69

- (1) Nguah-nguuhin Awig-Awig puniki kalaksanayang rikalaning paruman Desa.
- (2) Awig-Awig puniki kamargiang ngawit kaingkupin.

Pawos 70

- (1) Sakaluirin sane wenten saderengnya patut kaanutang ring sadaging Awig-Awig puniki.
- (2) Sakaluiring sane durung munggah sajeroning Awig-Awig puniki patut kalaksanayang manut tata cara sane sampun ketah memargi kadulurin antuk pararem.

SARGA VIII

P A M U P U T

Pawos 71

- (1) Awig-Awig puniki kasungkemin duk rahina : Radite Kaliwon, Wuku Taulu, Sasih Kasa, Rah 3, Tenggek 12, Iqaka Warsa 1911, tanggal masehi 16 Juli 1989 ring Pura Kahyangan Tiga Desa Adat Umakuta.
- (2) Awig-Awig puniki kalingga tanganin antuk Bendesa Adat kasarengin antuk Kelihan Banjar Umakuta saha kasaksinin olih Perbekel Desa Pejeng Kangin, Camat Tampaksiring, kapikukuhin antuk Bupati Kepala Daerah Tingkat II Gianyar.
- (3) Luir sang ngalingga tanganin :

 Otama Prajuru Desa Adat Umakuta,
Bendesa Adat Umakuta,
(Wayan Lugra).


 Kalih Kelihan Banjar,
Kelihan Banjar Umakuta,
(Agung Ketut Jiwa).

3. Kaping tiga pinaka saksi :

3.1 Perbekel Desa Pejeng

 (Agung Gde Agung).

3.2 Camat Tampaksiring.

 (Drs. I Ketut Pangkat).
Nip. : 600 002 650

BERKESAH DAN TELAH DICATATKAN

PADA TANGGAL : 5 AGUSTUS 1990

NOMOR : 1 TAHUN 1990

 (En Horm)
BUPATI KAPALA DAERAH TINGKAT II GIANYAR
NIP. 190116190